



皇霸文紀卷第一

江東

梅鼎祚

纂輯

男士都

校閱

神農氏

炎帝

少典之子育于姜水以姜為姓又云國伊耆號伊耆氏又號烈山氏都于陳洞神部云姓

伊耆名軌一曰石年在位百四十五載

伊耆氏蜡祝辭

禮記郊特牲曰天子大蜡八伊耆氏始為蜡蜡也者索也歲十

二月合聚萬物而索饗之也注云報成功于歲終又以祈來年之始故祝之之辭如此○

炎帝神農氏其初國伊繼國耆合而稱之故又號曰伊耆氏鼎按孔穎達正義云明堂位

土鼓葦籥伊耆氏之樂熊氏云伊耆氏即神農也鄭玄註云伊耆古天子號亦不言神農

至陸德明音釋或曰堯也今博士家習禮者從之而玄注先嗇若神農者司嗇后稷正義以神農既始蜡豈自祭其身以為先嗇引皇氏云神農伊耆一代總號其子孫為天子者始為蜡祭祭其先祖造田者故有先嗇也劉勰梁人文心謂上皇祝文則固指神農矣愚臆謂蜡始伊耆辭不必其時出當是周漢間所傳用如繁露之求雨大卜之祓龜耳故蔡邕獨斷止載云天子蜡而不言為神農為堯劉勰文心雕龍云昔伊耆氏始蜡以祭入神上皇祝文爰在茲矣舜之祠山利民之志頗形于言矣

土反其宅水歸其壑昆蟲毋作草木歸其澤宅叶遠各反澤

叶遠各反

土反其宅水歸其壑昆蟲毋作豐年若上歲取千百

蔡邕獨斷

軒轅氏神農軒轅並從蔡邕獨斷世紀帝居軒轅之丘因以為名又以為號一云國於有熊號有

熊氏左傳亦曰帝鴻氏○春秋元命苞禪通紀先自軒轅氏

黃帝初姓公孫名荼又名軒字亥律史記名軒轅繼少典氏之國長於姬水更為姬姓邑于涿

鹿之阿六都彭城在位七十年乃少典氏後代也史直作少典之子非

金人器銘皇覽記引太公陰謀黃帝金人器銘云武王問尚父曰古之居民上也搖搖

乎尚父曰黃帝之戒曰古之居民上也搖搖恐夕不朝故為金人三封其口曰○困學紀聞云漢藝文志黃帝銘六篇皇覽撰于魏文帝時漢七畧書猶存金人銘蓋六篇之一也鼎案孔子家語及劉向說苑並載為周廟器是在魏前文心雕龍以為周公今兩存之楊用脩古雋作五帝銘

古之慎言人也戒之哉無多言無多事多言多敗多

事多害安樂必戒無行所悔勿謂何傷其禍將長勿  
謂何害其禍將大勿謂不聞神將伺人焰焰不滅炎  
炎若何涓涓不寒終成江河綿綿不絕或成網羅豪  
末不札也將尋斧柯誠能慎之福之根也曰是何傷  
禍之門也強梁者不得其死好勝者必遇其敵盜憎  
主人民怨其上君子知天下之不可上也故下之知  
衆人之不可先也故後之溫恭慎德使人慕之執雌  
持下人莫踰之人皆趨彼我獨守此人皆惑之我獨  
不徙內藏乃智不示人技我雖止而人非我害惟能  
於此也江海雖左長於百川以其卑也天道無親常

與善人戒之哉

首句一  
有我字

巾机銘

蔡邕銘論云黃帝有巾几之法孔甲  
有盤盂之戒漢藝文志黃帝銘六篇

無掘壑而附丘無舍本而治末日中必彗操刀必割  
執斧必伐日中不彗是謂失時操刀不割是謂失利  
執斧不伐賊人將來涓涓不塞將爲江河熒熒不救  
炎炎柰何兩葉不去將用斧柯利音梨來叶陵之反  
楊用脩云此銘漢  
以下文人多引用不見其全惟見於  
兵書如此○涓涓六句見前銘小異

巾几銘

予居民上搖搖恐夕不至朝惕惕恐朝不及夕競競  
慄慄日慎一日人莫躋于山而躋于垤叶徒吉反○  
競競以下淮

南子作堯  
戒小異

巾几銘 路史

毋弇弱毋肥德毋違同毋敖禮毋謀非德毋犯非義

金華鼎銘

金華山黃帝作一鼎高一丈三尺大如十石甕像龍騰雲百神螭獸滿其

中複篆書三足其文曰

真金作鼎百神率伏

虞荔鼎錄

丹書

路史黃帝天下已治百令具舉猶且卹然神燦形茹用作戒于丹書故作巾几之銘

又著瑞書乃命史甲盤杆籩豆奩鏡劍履與席巾杖戶牖一著銘詩以彌縫其闕注云凡二十六篇昔周公述之于成王並見大戴禮蔡邕銘論漢志孔甲盤孟二十六篇○鼎按大戴禮尚父述于成王而為戒書注援周公述于成王而以戒銘為孔甲所作

猶異當以大戴禮為正

施舍在心平不幸乃弗聞過禍福在所密存亡在所用下匿其私用試其上上操度量以割其下上下一日百戰

瑞書

此即大戴禮尚父述于武王為黃帝丹書者也

敬勝怠者吉怠勝敬者滅義勝欲者從欲勝義者凶凡事不彊則枉不敬則不正枉者滅廢敬者萬世

禁重教

路史黃帝處中央而政四國分八節以紀農功命天中建皇極乃下教

聲禁重色禁重香禁重味禁重室禁重

命嫫母辭

呂氏春秋遇合篇人之於色也無不知說美者而美者未必遇也故嫫母

執乎黃帝黃帝曰○嫫母  
貌惡德克為黃帝次妃

屬女德而弗忘與女正而弗棄雖惡奚傷言救屬女以婦德而

不忘失付與女以內政  
而不衰故雖醜何傷

誨顓頊呂氏春秋云維秦八年歲在涪灘秋甲子朔朔之日良人請問十二紀文信侯

口嘗得學黃帝之  
所以誨顓頊矣

爰有大圜在上大矩在下汝能濟之為民父母

錄圖文河圖延輔佐黃帝游於河洛至澤鴻之泉有大鱸魚負圖以授帝蘭葉朱文名

一作錄圖

渾渾嚶嚶焚焚雉雉與物俱化此錄圖中文也

黃帝世讖言竹書紀年

西北為王期在甲子昌制命發行誅日行道沈約宋書符瑞

志引載云及周公劉之後十三世而生季歷季歷生文王昌昌生武王發周公旦

有焱氏頌帝張成池之樂於洞庭之野吾始聞

之懼復聞之怠卒聞之感蕩蕩默默乃不自得帝曰天機不張而五官皆備此之謂天樂

無言而心說故有焱氏為之頌乃無聲之樂樂之至也○鼎案陳上元荒史云莊子稱有焱氏有奈氏路史著論於禪通紀柏皇之下

世次莫數則猶以有其人矣莊多寓言焉問其人與世也此與天元冊文皆是擬

誤並託黃帝故附其末○焱音衍

聽之不聞其聲視之不見其形充滿天地苞裹六極

太始天元冊文素問天元紀六黃帝問鬼史區

史區曰五氣運行各終其歲非獨主時也臣積考太始天元冊文注云此太古占候靈

文洎乎伏羲之時已鐫諸玉版命曰策文鬼  
史區十世祖始誦而行之○宋王應麟云古  
詩之體始於此然伊川謂素問出於戰國之  
末鼎謂非也古文多韻語即周易且然不必  
詩為

太虛廖廓肇基化元萬物資始五運終天布氣真靈  
總統坤元九星懸朗七曜周旋曰陰曰陽曰柔曰剛  
幽顯既位寒暑弛張生生化化品物咸章

倉頡

世本云沮誦倉頡為黃帝左右史世紀云黃  
帝史官生而能書制文字春秋元命包作

倉帝史皇氏名頡姓侯岡侈哆四曰靈光次在  
禪通紀伏羲之前春秋命曆序演孔圖及崔瑗  
曹植輩並云古帝韋誕傳玄皇甫謐及鬻子注  
荀子注周禮疏拾遺記並云黃帝史臣今從之  
○佛藏法苑珠林云昔造書之主凡有三人長  
名曰梵其書右行次曰佉盧其書左行少者倉

頡其書下行梵佉盧居于天竺黃吏倉頡在于  
中夏梵佉取法于淨天倉頡因華于鳥跡文畫

誠異傳  
理則同

龜書文

河圖玉版云倉頡為帝南巡登陽虛之

山臨于玄扈洛汭之水靈龜負書丹甲  
青文以授之文提二十八字景刻于陽虛之  
石室李斯只識八字○鼎案揚慎云為帝南  
巡作一句為音去聲言奉黃帝命而代之南  
巡也亦言黃帝史臣矣羅泌子萃路史注引  
河圖玉版靈龜負書以授帝謂倉頡也又注  
云昔周初有於倉頡墓下得石刻藏之書府  
至秦李斯辨其八字云上天垂命皇辟迭王  
或云叔孫通識十二字而不傳妄也任昉云  
周人不能辨而斯通識之予不信者詳攷二  
句乃寇謙所纂黑帝安和國主禁文也據此  
則既非龜書之文亦非墓下  
石刻矣○墓下一作墓中

上天垂命皇辟迭王

三皇策典

出三墳宋羅泌路史著辨云山氣形

象謂之連山氣墳言生動長育止殺謂之歸藏而形墳則言天地日月山川雲氣謂之坤乾復有河圖姓紀與天皇策辭地皇政典之類大率似假義炎黃帝為言以遷就於孔說淺鄙備見是豈隆古包氏語哉有以燧人為提捷之子有巢為燧人之子伏羲為有巢之子軒轅百皇大庭无懷則皆以為伏羲之臣而加之龍官火紀之號尤可斬也王應麟因學紀聞云三墳書無傳必犧唯易存而商高所云周天曆度管子所云造六壘以迎陰陽者不復見許行為神農之言鼃錯述神農之教列子稱黃帝之書陰陽五行兵法醫方皆託之農黃而大道隱矣今有山氣形之書謂之連山歸藏坤乾元豐中毛漸得之西京或云張天覺得之比陽非古也○鼎按毛漸序謂元豐七年使西京得之泌陽民家又有後序云三墳亡于幽厲予天復中隱于青城之西因風雨石裂中有石匣得古文三篇皆篆字乃上古三皇書也不見姓名且此名三易而文辭乃倣書之典謨天復為唐昭宗時此即其人唐末妄作矣然羅王皆不語及序則序又後人所增耳今聊附存以著其偽

天皇伏羲氏皇策

昔在天皇居於君位咨於將咨於相咨於民垂皇策辭皇曰惟我生無道承父居方三十二易草木上升君位我父燧皇歸世未降河圖生民結繩而無不信於未甲八太七成三十二易草木惟我老極時生人衆多群羣蟲聚欲相吞害惟天至仁於草生月天雨降河龍馬負圖神開我心子其未生我畫八卦自上而下咸安其居後二成二十二易



草木皇曰命子襄居我飛龍之位主我圖文代我  
咨於四方上下無或私襄曰咸若咨衆之辭君無  
念哉後一易草木皇曰命子英居我潛龍之位主  
我陰陽甲曆咨於四方上下無或差英曰依其法  
亦順君無念哉皇曰無爲後二十二易草木昊英  
氏進曆於君曰曆起甲寅皇曰甲日寅辰乃鳩衆  
於傳教臺告民示始甲寅易二月天王升傳教臺  
乃集生民后女媧子無

闕六字

之右上相

共工下相皇桓飛龍朱襄氏潛龍昊英氏居君左  
右栗陸氏居北赫胥氏居南昆連氏居西葛天氏  
居東陰康氏居下九州之牧各統其人羣居於外  
皇曰咨予上相共工我惟老極無爲子惟扶我正  
道咨告於民俾知甲曆日月歲時自茲始無或不  
記子勿怠共工曰工居君臣之位無有勞君其念  
哉皇曰下相皇桓我惟老極無爲子惟扶我正道  
撫愛下民同力咨告於民俾知甲曆日月歲時自  
茲始無或不記子其勿怠桓曰居君臣之位無有  
勞君其念哉皇曰栗陸子居我水龍之位主養草  
木開道泉源無或失時子其勿怠陸曰竭力於民  
君其念哉皇曰大庭主我屋室視民之未居者喻

之借力同構其居無或寒凍庭曰順民之辭皇曰  
陰康子居水土俾民居處無或漂流勤於道達於  
下康曰順君之辭皇曰渾沌子居我降龍之位惟  
主於民皇曰昆連子主我刀斧無俾野獸犧虎之  
類傷殘生命無俾同類大力之徒區逐微弱子其  
伏之連曰專主兵事君無念哉皇曰四方之君咸  
順我辭則世無害惟愛於民則位不危皇曰子無  
懷安惟安於民民安子安民危子危子其念哉

人皇神農氏政典

政典曰惟天生民惟君奉天惟食喪祭衣服教化  
一歸於政皇曰我惟生無德咸若古政嗟爾四方  
之君有官有業乃子乃父乃兄乃弟無亂於政昔  
二君始王未有書契結繩而治 交易而生亦惟  
歸政昔在天皇肇脩文教始畫八卦明君臣民物  
陰陽兵象以代結繩之政出言惟辭制器惟象動  
作惟變卜筮惟占天皇氏歸氣我惟代政惟若古  
道以立政皇曰正天時因地利惟厚於民民惟邦  
本食惟民天農不正食不豐民不正業不專惟民  
有數惟食有節惟農有教林林生人無亂政典政  
典曰君正一道二三凶臣正一德有常吉時正惟

四亂時不植氣正惟和氣亂作癘官正惟百民正  
惟四色正惟五惟質惟良病正四百四藥正三百  
六十五過數乃亂而昏而毒道正常過政反僻刑  
正平過政反私祿正滿過政反侈禮正度過政反  
僭樂正和過政反流治正簡過政反亂喪正哀過  
政反遊干戈正亂過政反危市肆正貨過政反邪  
譏禁正非過政失用皇曰嗟爾有官有業乃子乃  
父乃兄乃弟咸若我辭一歸於正皇曰君相信任  
惟正相君備位惟忠相官統治惟公官相代位惟  
勤民官撫愛惟仁官民事上惟業父無不義厥子  
惟教兄無不友厥弟惟恭夫不遊妻不淫師不怠  
教不失刑者形也形爾身道者導也導爾志禮者  
制也制爾情樂者和也和爾聲政者正也正其事

地皇軒轅氏政典

皇曰嗟爾天師備相正五百官士子農夫商人工  
技咸若我言政典曰國無邪教市無淫貨地無荒  
土官無濫士邑無游民山不童澤不涸其正道至  
矣正道至則官有常職民有常業父子不肯恩夫  
婦不背情兄弟不去義禽獸不失長草木不失生  
政典曰方圓角直曲邪凹凸必有形遠近高下長

短疾緩必有制寒暑燥濕風雨逆順必有時金木水火土石羽毛必有濟布帛桑麻筋角齒革必有用百工器用必有制聖人治天下權以聚財財以施智智以備賢賢以輔道道以統下下以事上上以施仁仁以保位位以制義義以備禮禮以制情情以敦信信以一德德以明行行以崇教教以歸政政以崇化化以順性性以存命命以保生生以終壽皇曰岐伯天師爾司日月星辰陰陽曆數爾正爾考無有差貸先時者殺不及時者殺爾惟戒哉皇曰后土中正爾識山川草木蟲魚鳥獸爾掌爾察無亂田制以作田訟爾惟念哉皇曰龍東正爾分爵祿賢智爾咨爾行無掩大賢以恡財無庇惡德以私賞皇曰融南正爾平禮服祭祀爾正惟無亂國制以僭上無廢祀事以簡恭爾惟念哉皇曰太封西正爾分干戈刑法爾掌爾平皇曰太常北正爾居田制民事爾訓爾均百工惟良山川爾圖爾惟勤恭哉皇曰天師備相五正百官士子農夫商人工技咸順我言終身於休

### 高陽氏

帝顓頊

姬姓黃帝曾孫名顓頊北跡高陽以高陽爲氏都帝丘在位七十六載

專令路史顓頊紹少昊金天之政乘辰而王

毋慢制毋瀆民貴臣驕而弗諛男女不相辟于道者  
拂之四達之衢

女皇氏

姁媯宓犧女弟風姓一曰以雲紀姓代宓犧立號

百三十載司馬貞以伏羲女媯神農為三皇易傳及獨斷諸家並無載故置於此

占詞太昊氏衰共工作亂振滔洪水女媯滅共

車鞮六蜚以御天申祠祝而枚占之占者曰吉徵也乃設雲幄而致神明道標萬物神化

七十見淮南子路史

昭昭九州日月代極平均土地合和萬國

陶唐氏

帝堯姓伊耆曰放勳帝嚳子初封陶侯徙封于唐

在位百載禪于虞

堯戒淮南子人間訓堯戒曰

戰戰慄慄日慎一日人莫蹟於山而蹟於蛭蹟蹟也

叶徒吉反

雒壁書尚書中候曰帝堯率羣臣東沉于雒刻壁書

天子臣放助德薄施行不元元善也

堯母龍圖文竹書紀年云堯母慶都觀于三河

文要云既而陰風四合赤龍感之孕十四月而生堯於丹陵其狀如圖○宋書符瑞志引

亦受天祐眉八彩鬚髮長七尺二寸面銳上豐下足

履翼宿帝堯碑赤龍負圖出慶都讀之云赤受天運其下圖人衣赤衣鬚鬚尺餘長七尺二寸兌

上豐下足履翼星題曰赤帝起成天下寶

有虞氏

帝舜姓姚曰重華虞幕之後都蒲坂在位四十八載禪于夏

祠田辭文心雕龍○困學紀聞引尸子曰舜兼愛百姓務利天下其田也荷彼耒耜耕

彼南畝與四海俱有其利文心雕龍謂之祠田豈他有所据乎

荷此長耜耕彼南畝四海俱有

龍圖文論語比考帝堯率舜等游于首山觀河渚有五老游河渚一曰河圖將來告帝

期二曰河圖將來告帝謀三曰河圖將來告帝書四曰河圖將來告帝圖五曰河圖將來告帝符有頃赤龍銜玉苞舒圖刻版題命可卷金泥玉檢封盛書戒曰知我者重童也五老乃為流星上入昂黃姚視之龍沒圖在堯等共發曰

帝當樞百則禪于虞

河圖告舜文竹書紀年堯將以天下禪舜乃脩壇場於河洛率舜等升首山遵河

洛有五老游焉蓋五星之精也相謂曰河圖將來告帝以期知我者重瞳黃姚五老因飛為流星上入昂二月辛丑昧明禮備至於日昃沉璧於河榮光出河休氣四塞白雲起回風搖乃有龍馬銜甲赤文綠色緣壇而上吐甲圖而去其圖以白玉為檢赤土為泥以黃金約以青繩檢文言虞夏當受天命帝寫其言藏于東序○宋書符瑞志引載言虞夏殷周秦漢當受天命

闔色授帝舜

皇霸文紀卷第一

皇霸文紀卷第二

江東

梅鼎祚

纂輯

男士都

校閱

夏

禹王

姁姓名曰文命崇伯鯀子克時封于夏受虞

皆名史記帝王世紀名文命

箕箒銘

謂子禹禹之治天下也以五聲聽門懸

於箕箒為文心聖德云大禹勒荀箒而招諫

教寡人以道者擊鼓教寡人以義者擊鍾教寡人以事者振鐸語寡人以憂者擊磬語寡人以獄訟者揮

鞞

夏箴汲冢周書文傳解云文王受命九年時維暮春在部召太子發曰吾語汝所保所守

厚德廣惠忠信愛人土多民少則內亡守土少人多則民失業是故土多發政以漕四方

四方流之士少安帑而外其務方輸夏箴曰云云開望曰土廣無守可襲伐土狹無食可

圍竭二禍之來不稱之災天有四殃水旱饑荒其至無時非務積聚何以備之夏箴曰○

孔晁注開望古書名楊用脩古文韻語作開望箴非

中不容利民乃外次

又箴

小人無兼年之食遇天饑妻子非其有也大夫無兼

年之食遇天饑臣妾輿馬非其有也國君無兼年之

食遇天饑百姓非其有也戒之哉弗思弗行至無日

矣

岫嶺禹碑徐靈期衡山記云夏禹導水通瀆刻石書名山之高王象之輿地記云禹

碑在岫嶺峰又傳在衡山縣雲密峯宋嘉定中蜀士因樵人引至其所以紙蹋其碑七十

二字刻于夔門觀後亡

承帝曰嗟猗輔佐卿水處與登鳥罍之門參身洪流

而明發爾興久旅忘家宿嶽麓庭智營形折心罔弗

辰往求平定華岳太衡宗疏事哀勞餘伸禋鬱塞昏

徙南瀆衍亨衣制食備萬國其寧竄舞永奔水處瀆

○楊用脩云酈道元水經注禹治洪水血馬祭衡山於是得金簡玉字之書按省玉字通水理也或曰此



卽金簡玉字之文云劉禹錫寄呂衡州化光詩云傳聞祝融峯上有神禹銘古石琅玕姿秘文龍虎形崔融云於鑠大禹顯允天德龍畫傷分螺書匾刻韓退之詩岫巉山尖神禹碑字青石赤形模奇又云千搜萬索何處有森森綠樹猿猱悲蓋亦求之而未得見也韓文考異遂謂退之詩爲傳聞之誤夔州觀刻後亦磨滅近張季文僉憲在長沙得之云是宋嘉定中何致字子一者模刻嶽麓書院斯文顯晦信有神物護持哉

### 廬山紫霄峯禹刻

輿地志江西廬山紫霄下有

者縋而入摹之凡七十餘字止有鴻荒漾余乃樅可辨○鼎按史記禹治水山行乘樅此或好事者傳會也

### 鴻荒漾余乃樅

慎又觀水經注廬山之南有上霄石

禹刻石志其里數丈尺今猶得刻石之號焉九江中孤石在落星石傍介立大湖中周迴一里竦立百丈

上生林木而飛禽不集者舊相傳昔禹治水至此刻石紀功會稽覆釜山亦有禹書任昉述異記曰空同山有堯碑禹碑皆科斗書淳化帖首有禹篆十二字莆田陳崑山有自然仙篆以紙摹之形類禹刻何翥詩鳥書蟲文不可識如讀岫巉神禹碑禹遺跡靈秘如此號曰神禹有繇也

### 玉牒文

湘中記曰衡山有玉牒禹案其文以治

登南嶽而祭之獲金簡玉字之書○後漢郡國志注引載

### 祝融司方發其英沐日浴月百寶生

### 后啓

禹之子在位十歲

### 鑄鼎繇

墨子耕柱篇夏后開使蜚廉析金於山

而自臧不遷而自行以祭於昆吾之墟上鄉人言兆之繇曰饗矣云云夏后氏失之殷人受之殷人失之周人受之夏后殷周之相受

也數百歲矣使聖人聚其良臣與其桀相而諫豈能知數百歲之後哉而鬼神知之是故曰鬼神之神明智於聖人也猶聰耳明目之與聾瞽也○案今傳墨子所載羅泌路史王應麟玉海小異○路史引墨子云夏后開命飛廉析金于山而陶鑄之于昆吾作九鼎鼎成而方不炊自烹不舉自藏不動自響不遷自行圖象萬物于鼎側以祭昆吾之墟使翁難雉乙灼于白若之龜繇曰云云一云禹也歸藏云啓筮徙九鼎果徙之則此筮徙也○玉海引墨子卜於白若之龜曰鼎成四足而方不炊而自烹不舉而自藏不遷而自行祭於昆吾之墟乙又言兆之繇曰云云因學紀聞云大卜三兆其頌皆千有二百夏后鑄鼎繇以下懿氏占成季卜驪姬衛侯及漢文兆皆龜繇也

逢逢白雲一南一北一西一東九鼎既成遷于三國

帝癸一名桀示發子殷湯所殺

伐唐兆辭歸藏桀筮伐有唐枚於熒惑曰不吉

不利出征惟利安處彼為貍我為鼠勿用作事恐傷其父

羿妻筮辭歸藏羿請不死之藥于西王母羿妻竊之以奔月筮于有黃有黃占之曰吉

翩翩歸妹獨將西行逢天晦芒母驚母恐後且大昌且靈憲作其

連山繇山海經羲和帝俊之妻生十日注引啟筮

空桑之蒼蒼八極之既張乃有夫羲和是主日月職出入以為晦明

商

商王成湯

子姓名履帝嚳子契之後嗣為商侯十七年而滅夏踐天子位十三年都亳

湯盤銘

九字

苟日新日日新又日新

商鼎銘

三十四字○國語郭偃曰商之衰也其銘有之謂鼎銘之戒也

嗛嗛之德不足就也不可以矜而祇取憂也嗛嗛之

食不足狃也不能為膏而祇離咎也

憂叶於救反

商父乙鼎銘

二十七字

庚午王命寢廟辰見北田四品十二月作冊友史錫

賴貝用作父乙尊

冊

宣和博古圖云按友史者太史也友史者如成王稱太史

友之類所以尊之也古者太史順時覲土蓋農官耳說文曰房星農候也今日辰見則農當舉趾故命以北田四品所以授民時也昔者貨貝而寶龜曰錫賴貝者說文以賴為贏言錫貝之多也此商人作之以享父乙于寢廟而言乃及此者蓋寢廟宗廟也書曰用命賞于祖在宗廟之中作冊以錫有功是亦賞于祖之意乙之號其在商也有天乙有祖乙有小乙有武乙而惟大丁之子止曰乙且此言父乙蓋不知其為何乙也○徐獻忠云此宗廟之器其訓錫臣工者下多用冊冊二字並列此商制也

商兄癸彝銘

二十六字○呂大臨考古圖

丁子王錫爵丙申貝在寒丘用作兄癸彝十九月惟

王九祀世昌正

圖注云右得于鄴按河間中居相即鄴郡其文又稱九祀為商器無疑云

兄癸者商以兄弟相及之辭也故祀其先王或稱祖如祖丁貞之類或稱父若父辛旅彝之類或稱兄若此彝之類商人質無諡皆以甲乙記徐獻忠云丁子剛柔不相配合與乙子相類○鼎案穆天子傳五在

寒下注  
云未詳

商兄癸卣銘

二十五字○宣和博古圖二圖所載二器形模雖同疎緻少異

丁子王錫爵丙申貝在寒用作癸彝十九月惟王九

祀世昌

以此為飾故尊也爵也皆作此狀蓋欲如

商之炊氣上  
下交通而已

商父丁彝銘

四十一字  
考古圖

乙酉商貝王曰不

𠄎玄曾不戎備

元武乙四日

惟王六祀四日惟內役敢商盟

疑丘

用作父丁尊

彝示子

徐獻忠云此文多疑字  
商器銘文簡省無成章

商母乙卣銘

十一字  
博古圖

丙寅王錫貝朋用作母乙彝

是卣乃在錫臣工  
以追享其母氏也

商箴

呂氏春秋名類篇引商箴云  
箴云以言禍福人或召之也

天降災布祥並有其職

楊用脩古文韻語載商箴云  
天曰順順維生地曰固固維

寧人曰信信維聽案此乃呂氏春秋  
序意篇中語未詳何出以為商箴

桑林禱辭

荀子大畧篇湯之時大旱七年剪髮  
斷爪以身為犧牲禱于桑林之野以

六事自責曰何不雨至  
斯極也言未已大雨

政不節與使民疾與宮室崇與婦謁盛與苞苴行與

讒夫興與

節叶卽盛叶成○說苑湯使人持三足鼎  
祝山川教之祝曰政不節耶使人疾耶苞

苴行耶讒夫昌耶宮室營耶  
女謁盛耶何不雨之極也

同前

墨子兼愛篇湯貴天子然且不憚  
以身為犧牲以詞說于上帝鬼神

惟予小子履敢用玄牡告于皇天后帝曰今天大旱  
即當朕身履未知得罪于上下有善不敢蔽有罪不  
敢赦簡在帝心萬方有罪即當朕身朕身有罪無及  
萬方

呂氏春秋湯五年旱剪髮  
劇手自以為爲牲禱辭曰

余一人有罪無及萬夫萬夫有罪在余一人無以一  
人之不敏使上帝鬼神傷民之命

湯嫁妹之辭  
京房易傳

無以天子之尊而乘諸侯無以天子之富而驕諸侯  
陰之從陽女之順夫本天地之義也往事爾夫必以

### 禮義

祝網辭  
呂氏春秋湯見祝網者置四面其祝曰

吾網湯曰嘻盡之矣非桀其孰爲此湯乃解  
其三面置其一面更教之祝漢南之國聞之  
曰湯之德及禽獸矣四十國歸之

昔蛛蝥作網罟今之人學紆欲左者左欲右者右欲

高者高欲下者下吾取其犯命者呂覽注紆緩也學  
緩殊非文義賈子

劉向新序並作術緒  
一作修序取作請受

黑玉赤勒文  
尚書中候曰天乙在亳諸隣圖襍

立榮光不起黃魚雙躍出濟于壇黑  
鳥以雄隨魚亦止化爲黑玉赤勒

玄精天乙受神福伐桀克三年天下悉合

歸藏繇辭

太平御覽

有人將來遺我貨貝以至有求則得有喜將至

良人得其玉君子得其粟

有鳧鴛鴦有鴈鸕鷀

鼎有黃耳利取鮒鯉

歸藏齊母經辭

瞿有瞿有鮐宵梁為酒尊於兩壺兩掄飲之三日然

後蘇士有澤我取其魚

爾雅注

君子戒車小人戒徒

有白雲出自蒼梧入于大梁

上有高臺下有離池若以賈市其富如河海

蜚廉石槨銘

史記云蜚廉生惡來父子俱以材

來是時蜚廉為紂石北方還無所報為壇霍

帝令處父不與殷亂賜以石棺以華氏

言處父不忘

石棺以光華其族案秦為蜚廉之後故為傅會索

周

文王

姬姓名昌帝嚳子后稷

赤爵銜書文

竹書紀年云季秋之甲子赤爵銜

文要

姬昌蒼帝子亡殷者紂

文已

皇清卷二

赤爵丹書

周季歷生昌有聖瑞尚書帝命驗云

止于昌戶其書云蓋聖瑞也○案此即大戴禮所載丹書語以仁得之而下尚父之言也敬勝四句亦見荀子

敬勝怠者吉怠勝敬者滅義勝欲者從欲勝義者凶

凡事不強則不枉不敬則不正枉者廢滅敬者萬世以仁得之以仁守之其量百世以不仁得之以仁守之其量十世以不仁得之不仁守之不及其世

鳳凰銜書文

竹書紀年云文王時孟春六旬五緙聚房後有鳳凰銜書游文王之

都書曰

殷帝無道虐亂天下皇命已移不得復久靈祇遠離

百神吹去五星聚房昭理四海

赤鳥銜珪書

墨子赤鳥銜珪降周之岐社曰

命周文王伐殷

卜田兆

非龍非虺非熊非羆兆得公侯天遺女師

史記齊世家云西伯

將獵卜之曰所獲非龍非虺非虎非羆所獲霸王之輔竹書紀年云王將畋史編卜之曰將大獲非熊非羆天遣大師以佐昌臣太祖史疇為禹卜田得臯陶其兆類此○虺一作螭

武王

名發文王子嗣為西伯十三年而滅商踐天子位又六年

尹佚策祝文

史記武王既定商立於社南毛叔

牽牲尹佚策祝於是武王再拜稽首曰膺更大命革商受天明命

殷之末孫季紂殄廢先王明德侮蔑神祇不祀昏暴

商邑百姓其章顯聞于天皇上帝汲冢周書筴曰殷末孫紂受德迷先成

湯之明侮滅神祇不祀明暴商邑百姓其彰顯聞于昊天上帝○紂字受德

丹書大戴禮云武王踐阼三日召士大夫而問焉曰惡有藏之約行之萬世可以為子孫

常者乎皆曰未得聞也召師尚父而問焉曰黃帝顯頊之道存乎意亦忽不可得見與尚

父曰在丹書王欲聞之則齋矣三日王端冕尚父亦端冕奉書道書之言曰云云藏之約

行之行可以為子孫常者此言之謂也且臣聞之以仁得之以仁守之以仁量百世以不仁

得之以仁守之必及其世王問書之言惕若恐懼退而為戒書記於物以自

警即席几諸銘是也

敬勝怠者吉怠勝敬者滅義勝欲者從欲勝義者凶

凡事不強則枉弗敬則不正枉者滅廢敬者萬世叶

莫筆切○丹書二十九字

戒書銘十七章蔡邕銘論武王作席几楹杖器械之銘十有八章○王應麟集

解踐阼篇引盧辨朱熹真德秀注今為節錄○朱子云諸銘有切題者如鑑銘是也亦有

不可曉者古人隨在自警不必一物

席四端銘四章

安樂必敬前左無行可悔前右一反一側亦不可不

志後左所監不遠視爾所代後右端銘○不志一作

端銘

几銘



皇皇惟敬口口生敬口生垢口戕口盧辨注凡者人君出令所依故以言語為戒○今本無口生敬句

鑑銘

見爾前慮爾後

盥盤銘

與其溺於人也寧溺於淵溺於淵猶可游也溺於人

不可救也淵叶一均切救叶居尤反○盧注或以自新取戒或以游溺為鑑

楹銘

毋曰胡殘其駝將然毋曰胡害其駝將大毋曰胡傷

其駝將長害叶暇憩切大叶特計切○真德秀注銘之於楹朝夕見之盧指楹為言相鑿

杖銘

惡乎危於忿寔惡乎失道於嗜慾惡乎相忘於富貴

真注杖之為物于以自扶操之則安全有賴舍之則顛踣可虞富貴奢淫易忘兢畏於杖為銘是或此義

帶銘

火滅修容慎戒必恭王應麟注非禮勿動闔

也

履屨銘

慎之勞勞則富盧注行慎躬勞躬勞終福論慎履亦財不賈也履在下猶勞辱因此為戒

觴豆銘

食自杖食自杖戒之僑僑則逃僑居妖反○盧注無求醉飽自杖而已

戶銘

夫名難得而易失無勤弗志而曰我知之乎無懃弗及而曰我杖之乎獲阻以泥之若風將至必先搖搖雖有聖人不能為謀也其一作枝搖叶夷周切○獲獲獲人塗屋之匠解見漢書音乃刀切

牖銘

隨天之時以地之財敬祀皇天敬以先時財叶前西切○朱注  
牖下齋祭之處真注天實生時地實生財祀以報本亦必先時

劔銘

帶之以為服動必行德行德則興倍德則崩盧注以順誅也

弓銘

屈申之義廢興之行無忘自過王注屈申之義以弓修身在知其過

矛銘

造矛造矛少間弗忍終身之羞徐一人所聞以戒後世子孫按余一人二句總承諸銘為踐阼一篇結末正應前可以為子孫常者乎玉海詩紀作矛銘語誤

書銘二十章

太公金匱武王曰吾隨師尚父之覽困學紀聞玉海並載

書冠

寵以著首將身不正遺為德咎

書履

行必慮正無懷僥倖

書劍

常以服兵而行道德行則福廢

書車

自致者急載人者緩取欲無度自致而反

書鏡

以鏡自照則知吉凶

此與太公陰謀所載鏡銘略同彼義完美

書門

敬遇賓客貴賤無二

書戶

出畏之入懼之

書牖

闕望審且念所得可思所忘

書鑰

昏謹守深察訛

書硯

石墨相著而黑邪心讒言無得汙白

書鋒

忍之須臾乃全汝軀

書刀

刀利磴磴無為汝開

書井

原泉滑滑連旱則絕取事有常賦歛有節

几銘

以下二章見後漢書崔駰傳注引太公金匱曰吾欲造起居之戒隨之以身

安無忘危存無忘亡熟惟二者後必無凶

杖銘

輔人無苟扶人無咎

一作容

衣銘

以下三章見後漢書朱穆傳注引太公陰謀

桑蠶苦女工難得新捐故後必寒

鏡銘

以鏡自照見形容以人自照見吉凶

觴銘

樂極則悲沉湎致非社稷為危

筆銘

以下二章見太平御覽引太公陰謀

毫毛茂茂陷水可脫陷文不活

筆銘

馬不可極民不可劇馬極則躓民極則敗

敗叶蒲昧切○困學

紀聞云蔡邕銘論謂武王踐阼咨于太師作席几楹杖器械之銘十有八章叅攷金匱陰謀之書則不止

于十八章矣書于篇後俾好古者有攷

金版銘

文選劉孝標論註引太公金匱曰云云  
武王曰請著金版○七略云太公金版  
玉價雖近世之  
文然多善者

屈一人之下申萬人之上

金匱銘

堯之居民上也振振如臨深淵舜之居民上也慄慄  
恐朝不及夕武王曰吾并殷民居其上也翼翼懼不  
敢息

五帝戒

太公金匱武王問師尚父曰五  
帝之戒可得聞乎師尚父曰

黃帝居民上惴惴若臨深淵舜居民上矜矜如履薄  
冰禹居民上慄慄如不滿日湯居民上翼翼乎懼不

敢息敬勝怠則吉義勝欲則凶慎一日壽終無殃

玉海引六韜明傳篇義勝欲則凶欲勝義則亡敬勝  
怠則吉怠勝敬則滅荀子議兵篇敬勝怠則吉怠勝  
敬則滅計勝欲則從欲勝計則凶蓋出于此按  
月書亦此數語大較所傳聞異而辭大同耳

比干墓銅盤銘

武王封比干  
墓而作也

右林左泉後岡前道萬世之寧於焉是保

嘯堂集  
古錄

膠鬲盟書

呂氏春秋誠廉篇周之將興也伯夷  
叔齊西行如周至岐陽文王已歿武

王即位使叔日就膠鬲于其下四內而與之盟  
使保召公就微子開于其下四內而與之盟  
列為二書同辭而以牲埋于四內及共頭  
皆以一歸夾齊聞之笑曰高牲而盟以為  
信因四內共頭以明行以此紹殷是以亂易  
暴也北行至首陽餓焉○四內地名共頭水  
名

加富三等就官一列

微子開盟書

世為長侯守殷常祀相奉桑林宜私孟諸

成王

名釗武王子

卜成周命龜辭

說苑南宮邊子曰昔周成王之卜居成周也其命龜曰○一作

周公卜洛命龜辭

予一人兼有天下辟就百姓敢無中土乎使予有罪

則四方伐之無難得也

呂氏春秋南宮括曰成王定戎周其辭曰惟予一人營居

于成周惟予一人有善易得而見也有不善易得而誅也

周公旦

武王弟

卜曲阜命辭

作邑乎山之陽賢則茂昌不賢則速亡

誓命

左傳莒紀公太子僕弒紀公以寶玉來奔內諸宮公季文子使太史克對引周公誓

命詳後

毀則為賊掩賊為藏竊賄為盜盜器為姦主藏之名賴姦之用為大凶德有常無赦在九刑不忘

金人銘

家語曰孔子觀周入后稷之廟有金人焉三緘其口而銘其背顧謂弟子曰小

子識之此言實而中情而信○文心雕龍曰周公慎言于金人則此銘周公所作也○路

史黃帝以惟口起兵惟動得吝乃為金人三緘其口而銘之注引太公金匱公對武王之

言明黃帝所作皇覽記引陰謀黃帝金人器銘曰武王問尚父五帝之戒對曰黃帝之戒

曰吾之居民上也搖搖恐朝不及夕故爲金  
人三封其口曰我古之慎言人也當以家語  
爲正

古之慎言人也戒之哉無多言多言多敗無多事多  
事多患安樂必戒無行所悔勿謂何傷其禍將長勿  
謂何害其禍將大勿謂不聞神將伺人焰焰不滅炎  
炎若何涓涓不壅終爲江河綿綿不絕或成網羅毫  
末不札將尋斧柯誠能慎之福之根也口是何傷禍  
之門也強梁者不得其死好勝者必遇其敵盜憎主  
人主民怨其上君子知天下之不可上也故下之知  
衆人之不可先也故後之溫恭慎德使人慕之執雌  
持下人莫踰之人皆趨彼我獨守此人皆惑之我獨  
不徙內藏我知不示人技我雖尊高人莫我害江海  
雖左長于百川以其卑也天道無親常與善人戒之  
哉國策蘇秦說魏襄王引周書曰綿綿不絕蔓蔓若  
何毫毛不拔將成斧柯前慮不定後有大患將柰  
之何

同前 說苑

古之慎言人也戒之哉戒之哉無多言多言多敗無  
多事多事多患安樂必戒無行所悔勿謂何傷其禍  
將長勿謂何害其禍將大勿謂何殘其禍將然勿謂  
莫聞天妖伺人熒熒不滅炎炎柰何涓涓不壅將成

江河綿綿不絕將成網羅青青不伐將尋斧柯誠不能慎之禍之根也曰是何傷禍之門也強梁者不得其死好勝者必遇其敵盜怨主人民害其貴君子知天下之不可蓋也故後之下之使人慕之執雌持下莫能與之爭者人皆趨彼我獨守此衆人惑惑我獨不徙內藏我知不與人論技我雖尊高人莫害我夫江河長百谷者以其卑下也天道無親常與善人戒之哉戒之哉

辛甲

故殷之臣事紂七十五諫而不聽去至周召公與語賢之告文王以為公卿封長子武王

時為太史見劉向別錄譙周古史

虞箴

左傳云魏莊子謂晉侯曰昔周辛甲之為太史命百官箴王關於虞人之箴曰

芒芒禹跡畫為九州經啓九道民有寢廟獸有茂草各有攸處德用不擾在帝夷羿冒于原獸忘其國恤而思其麀牡武不可重用不恢于夏家獸臣司原敢告僕夫

道叶徒口反茂一作豐草叶此苟反擾叶忍九反獸叶如九反冒貪也重去聲家叶攻乎反

大正箴

汲冢周書嘗麥解曰維四年孟夏之初祈禱于宗廟乃嘗麥于太祖即假于太宗少宗少祕于社太史箴刑書九篇以升授大正箴大正曰以下二箴無名氏

欽之哉諸正敬功爾頌審三節無思民因順爾臨獄無頗正刑有掇夫循乃德式監不遠以有此人保寧



爾國克戒爾服世世是其不殆維公咸若

周箴

呂氏春秋謹聽篇太上知之其次知其不知則問不能則學周箴云云學賢問

三代之所以昌也

夫自念斯學德未暮

祝雍

祝官雍名

成王冠祝辭

家語云武王崩成王年十三嗣立周公攝政以治天下冠成王而朝

于祖以見諸侯周公使祝雍作頌命之曰祝辭達而勿多也其頌曰云云

使王近於民遠於佞嗇於財親賢使能佞叶

反財叶前西反能叶音泥○使作任

近于民遠于年近于義遠于佞嗇于財任賢使能佞音

年能音得來切○後漢志注

成王冠頌

令月吉日王始加元服去王幼志服是袞職欽若昊

命六合是式率爾祖考未未無極

王滿生

告周公旦書

劉向說苑齊人王滿生見周公曰言內事者於內言外事者於外周

公導坐曰臣聞聖人不言而知非聖人者雖言不知今欲言乎無言乎周公俛念有頃不

對王滿生藉筆讀書之周公仰視見書曰唯唯謹聞命矣明日誅管蔡

社稷且危傳之於膺

士冠禮辭

儀禮○以下紀並無名氏蓋周制禮時所作

始加祝辭

士冠始加緇布冠服玄端爵鞞

令月吉日始加元服棄爾幼志順爾成德壽考惟祺

介爾景福

服叶蒲北反福叶筆助反

再加

再加皮弁服素積素鞞

吉月令辰乃申爾服敬爾威儀淑慎爾德眉壽萬年

永受胡福

三加

三加爵弁服纁裳韎鞞

以歲之正以月之令咸加爾服兄弟具在以成厥德

黃耇無疆受天之慶

叶墟羊反

醴辭

三加畢賓醴冠者

甘醴惟厚嘉薦令芳拜受祭之以定爾祥承天之休

壽考不忘

醮辭

若不醴則醮注醴禮簡尚質也醮禮繁尚文也醮亦賓醴冠者冠有三加故三

也醮

旨酒既清嘉薦宜時始加元服兄弟具來孝友時格

永乃保之

來叶乃之切

再醮

旨酒既清嘉薦伊脯乃申爾服禮儀有序祭此嘉爵

承天之祜

三醮

旨酒令芳邊豆有楚咸加爾服肴升折俎承天之慶  
受福無疆

字辭既醴冠者見  
母出賓字之

禮儀既備令月吉日昭告爾字爰字孔嘉髦士攸宜

宜之于假永受保之曰伯某父備叶筆力反字叶茲  
嘉叶居之反假叶古

士昏禮辭儀禮

父命子辭

往迎爾相承我宗事勛率以敬先如之嗣若則有常

父命女辭

戒之戒之夙夜無違命

母命女辭

勉之敬之夙夜無違宮事

庶母命女辭

敬恭聽宗爾父母之言夙夜無愆視諸衿鞶

祭禮嘏辭儀禮少牢饋食曰主人酌尸尸酢主  
人佐食取黍授尸執以命祝祝受以

東北面嘏主人曰○此  
諸侯之大夫祭禮也

皇尸命工祝承致多福無疆于女孝孫來女孝孫使

女受祿于天宜稼于田眉壽萬年勿替引之來讀曰  
釐賜也

孫叶須因反天叶鐵因反田叶地因反年  
叶禰因反○楊用脩古文附錄來音賚

周祭天辭以下三章俱見大戴禮○文心雕龍  
云周之太祝掌六祀之辭是以庶物

咸生陳於天地之郊旁  
作穆穆唱於迎日之拜

皇皇上天照臨下土集地之靈降甘風雨庶物群生

各得其所靡今靡古維予一人某敬拜皇天之祐古

辭則云嗣王其或曰一人某王者親告之辭也

### 祭地辭

薄薄之士承天之神興甘風雨庶卉百穀莫不茂者

既安且寧維予一人某敬拜下土之靈者叶掌與切

迎日辭古者帝王以正月朔率有司迎日于東郊所以為萬品先而尊事天也○亦見

尚書大傳三句與洛誥同

維某年某月上日明光于上下勤施于四方旁作穆

穆維予一人某敬拜迎于郊

救日食祝辭周官太祝注

炤炤大明纖滅無光柰何以陰侵陽以卑侵尊

雩祭禱辭穀梁傳注

方今大旱野無生稼寡人當死百姓何謗不敢煩民

請命願撫百姓以身塞無狀

請雨祝春秋緯

昊天生五穀以養人今五穀病旱恐不成敬進清酒

搏脯再拜請雨雨幸大澍

立社祝禮外篇大夫成羣立社祝曰○此亦止雨之辭

今某月日君為某立社社祭土而主陰氣也五穀用成萬民以生敢用肥豚嘉蔬清酒敬致大神自今日以來祈請雨止惟靈是聽子孫眉壽萬神含靈

止雨祝 禮外篇

天生五穀以養生民今天雨不止傷五穀如何神靈而行而止殺牲以賽神靈雨則不止鳴鼓攻之朱緣繩索而脅之 並太平御覽引載

命射辭 大戴禮投壺篇困學紀聞云北命射之辭也

弓既平張四侯且決扞有常既順乃讓乃降其堂乃節其行既志乃張射夫命射射者之聲御車之旌

既獲弃莫 此下

祭侯辭 考工記曰梓人為侯張皮侯而棲鵠則春以功張五采之侯則遠國屬張獸侯

則王以息燕祭侯之禮以酒脯醢其辭曰

惟若寧侯毋或若女不寧侯不屬於王所故抗而射

女強飲強食貽女曾孫諸侯百福 若汝也寧安也侯

有諸侯之象焉故假以為戒較諸侯之辭言汝當安為諸侯下若字訓如蓋責之曰毋如此等不寧之侯不服屬于天子之所故立而射之也強飲強食祝神之辭勉之使飲食也既飲食醉飽當以百福遺女曾孫之為諸侯也

嗟爾不寧侯為爾不朝于王所故亢而射女強食爾

食曾孫侯氏百福 大戴禮○班固白虎通侯者以布為之所以名為侯明諸侯有不朝

者則射之故禮射禮祝曰嗟爾不寧侯爾不朝于王所以故天下失業亢而射爾所以不射正身君子重同類故畫獸而射之○大戴禮弟子辭曰無荒無傲無倨立無踰言若是者有常爵嗟爾不寧侯云云按此豈皆弟子之辭特用考工記語邪

### 大卜祝龜文

褚先生補史記龜策傳或古太卜之遺

今日吉謹以梁卯煇黃祓去玉靈之不祥玉靈必信以誠知萬事之情辯兆皆可占不信不誠則燒玉靈揚其灰以徵後龜言用梁米雞卵以祓龜煇黃二說而以黃絹裹梁卵也正義煇音火第之第燒荆枝遞灼上之不中也故用梁卵以祓之○尊神龜為玉靈

又

假之王靈夫子夫子玉靈荆灼而心令而先知而上

行於天下行於淵諸靈數劓莫如汝信今日良日行

一良貞

行一作身

又

假之靈龜五筮五靈不如神龜之靈知人死知人生某身良貞

### 大橫占辭

史記漢文帝初為代王諸大臣迎立也猶與未定卜之卦兆得大橫占曰

云云代王曰寡人固已為王矣卜人曰所謂天王者乃天子於是入即帝位

大橫庚庚余為天王夏啓以光

大橫以荆灼龜文正直也庚更也言去諸

侯即帝位也

### 嘉林龜左脅書文

史記龜策傳萬畢石朱方傳曰有神龜在江南嘉林中嘉

林者獸無虎狼鳥無鴟梟草無毒螫野火不及斧斤不至是為嘉林龜在其中常巢於芳蓮之上左  
脅書文

甲子重光得我者匹夫為人君有土正諸侯得我為

帝王正長也為有土之官長

皇霸文紀卷第二

皇霸文紀卷第三

江東 梅鼎祚 纂輯

男士都 校閱

周二

穆王名滿昭王子成王曾孫在位五十五年

穆天子傳晉太康二年汲縣民不准發古冢所得古文竹簡素絲編多毀落殘缺穆天子傳五篇荀勗序錄定為六卷藏之中經副在三閣郭璞為注左傳曰穆王欲肆其心周行天下皆使有車轍馬跡焉則其事也

前缺 飲天子蠲山之上戊寅天子北征乃絕漳水庚

辰至於 觴天子於盤石之上天子乃奏廣樂載立

不舍至于鉞山之下癸未雨雪天子獵于鉞山之西  
阿於是得絕鉞山之隊北循虜沱之陽乙酉天子北  
升于 天子北征于犬戎犬戎 胡觴天子于當水  
之陽天子乃樂 賜七萃之士戰庚寅北風雨雪天  
子以寒之故命王屬休甲午天子西征乃絕險之關  
隘己亥至于焉居禹知之平辛丑天子西征至于郿  
人河宗之子孫郿栢絮且逆天子于智之 先豹皮  
十良馬二六天子使井利受之癸酉天子舍于漆澤  
乃西釣于河以觀 智之 甲辰天子獵于滲澤於  
是得白狐玄貉焉以祭于河宗丙午天子飲于河水  
之阿天子屬六師之人于郿邦之南滲澤之上戊寅  
天子西征騫行至于陽紆之山河伯無夷之所都居  
是惟河宗氏河宗伯夭逆天子燕然之山勞用束帛  
加璧先白 天子使鄒父受之癸丑天子大朝于燕  
之山河水之阿乃命井利梁固聿將六師天子命  
吉日戊午天子大服冕褱帶摺芻夾佩奉璧南面  
立于寒下曾祝佐之官人陳牲全五 具天子授河  
宗璧河宗伯夭受璧西向沉璧于河再拜稽首祝沉  
牛馬豕羊河宗 命于皇天子河伯號之帝曰穆滿  
女當永致用肯事南向再拜河宗又號之帝曰穆滿



示女春山之瑤詔女昆侖

舍四年泉七十乃至于

崑崙之丘以觀春山之瑤賜語晦天子受命南向再

拜己未天子大朝于黃之山乃披圖視典用觀天子

之瑤器曰天子之瑤玉果璿珠燭銀黃金之膏天子

之瑤萬金 瑤百金士之瑤五十金鹿人之瑤十金

天子之弓射人步劔牛馬犀 器千金天子之馬走

千里勝人猛獸天子之狗走百里執虎豹柏天曰征

鳥使翼曰 烏鳶鸛鷄飛八百里名獸使足 走千

里狡猊 野馬走五百里叩叩距虛走百里麋 二

十里曰栢天皆致河典乃乘渠黃之乘爲天子先以

極西土乙丑天子西濟于河 爰有温谷樂都河宗

氏之所遊居丙寅天子屬官效器乃命正公郊父受

敕憲用伸 八駿之乘以飲于枝澍之中積石之南

河天子之駿赤驥盜驪白義踰輪山子渠黃華騶綠

耳狗重工徹止萑猥 黃南 來白天子之御造父

三百耿脩芍及曰天子是與出 入藪田獵釣弋天

子曰於乎予一人不盈于德而辨于樂後世亦追數

吾過乎七萃之士 天子曰後世所望無失天常農

工旣得男女衣食百姓瑤富官人執事故天有嗇民

氏響 何謀於樂何意之忘與民共利世以爲常

也天子嘉之賜以左佩華也乃再拜頓首  
封膜晝于河水之陽以爲殷人主丁巳天子西南  
升之所主居爰有大木碩草爰有野獸可以田獵  
戊午喆之人居慮獻酒百于天子天子巳飲而  
行遂宿于崑崙之阿赤水之陽爰有鸚鳥之山天子  
三日舍于鸚鳥之山吉日辛酉天子升于昆侖之  
丘以觀黃帝之宮而豐隆之葬以詔後世癸亥天  
子具蠲齊牲全以禋昆侖之丘甲子天子北征舍  
于珠澤以釣于流水曰珠澤之藪方三十里爰有藿  
葦莞蒲茅苻蒹萋乃獻白玉一隻角之一三可  
以沐乃進食酒十也姑劓九也亦味中麋胃而  
滑因獻食馬三百牛羊三千天子昆侖以守黃帝  
之宮南司赤水而北守春山之寶天子乃之人  
吾黃金之環三五朱帶貝飾三十工布之四吾乃  
膜拜而受天子又與之黃牛二六以三十人於昆  
侖丘季夏丁卯天子北升于春山之上以望四野曰  
春山是唯天下之高山也孳木華畏雪天子於是  
取孳木華之實曰春山之澤清水出泉温和無風飛  
鳥百獸之所飲食先王所謂縣圃天子於是得玉策  
枝斯之英曰春山百獸之所聚也飛鳥之所棲也爰

有 獸食虎豹如糜而載骨盤 始知麇小頭大身  
爰有赤豹白虎熊羆豺狼野馬野牛山羊野豕爰有  
白鳥青鷗執犬羊食豕鹿曰天子五日觀于春山之  
上乃爲銘迹于縣圃之上以詔後世壬申天子西征  
甲戌至于赤烏赤烏之人 其獻酒千斛于天子食  
馬九百羊牛三千糶麥百載天子使祭父受之曰赤  
烏氏先出自周宗大王亶父之始作西土封其元子  
吳太伯于東吳詔以金刃之刑賄用周室之璧封丌  
璧臣長季綽于春山之虱妻以元女詔以玉石之刑  
以爲周室主天子乃賜赤烏之人 其墨乘四黃金  
四十鎰貝帶五十珠三百裹丌乃膜拜而受曰 山  
是唯天下之良山也寶玉之所在嘉穀生之草木碩  
美天子於是取嘉禾以歸樹于中國曰天子五日休  
于 山之下乃奏廣樂赤烏之人丌獻好女于天子  
女聽女列爲嬖人曰赤烏氏美人之地也寶玉之所  
在也已卯天子北征趙行 舍庚辰濟于洋水辛巳  
入于曹奴之人戲觴天子于洋水之上乃獻食馬九  
百牛羊七千糶米百車天子使逢固受之天子乃賜  
曹奴之人戲 黃金之鹿銀 貝帶四十珠四百裹  
戲乃膜拜而受壬午天子北征東還甲申至于黑水

西膜之所謂鴻鷺於是降雨七日天子留骨六師之屬天子乃封長肱于黑水之西河是惟鴻鷺之上以爲周室主是曰留骨之邦辛卯天子北征東還乃循黑水癸巳至于羣玉之山容氏之所守曰羣玉田山知阿平無險四轍中繩先王之所謂策府寡草木而無鳥獸爰有木西膜之所謂天子於是取玉三乘玉器服物於是載玉萬隻天子四日休羣玉之山乃命邢侯待攻王者孟秋丁酉天子北征之人潛時觴天子于羽陵之上乃獻良馬牛羊天子以其邦之攻玉石也不受其牢栢天曰氏檻之後也天子乃賜之黃金之罌三六朱三百裹潛時乃膜拜而受戊戌天子西征辛丑至于劓閭氏天子乃命劓閭氏供食六師之人于鐵山之下壬寅天子登于鐵山乃徹祭器于劓閭之人溫歸乃膜拜而受天子已祭而行乃遂西征丙午至于鷄韓氏爰有樂野溫和稌麥之所草犬馬牛羊之所昌寶玉之所丁未天子大朝于平行之中乃命六師之屬休巳酉天子大饗正公諸侯王吏七萃之士于平行之中鷄韓之人無鳧乃獻良馬百匹用牛三百良犬七千牝牛三百野馬三百牛羊二千稌麥三百車天子乃賜之黃

金銀罌四七貝帶五十珠三百裏變 雕宮無冕  
下乃膜拜而受庚戌天子西征至于玄池天子三日  
休于玄池之上乃奏廣樂三日而終是曰樂池天子  
乃樹之竹是曰竹林癸丑天子乃遂西征丙辰至于  
苦山西膜之所謂茂苑天子於是休獵於是食苦丁  
巳天子西征己未宿于黃鼠之山西 乃遂西征癸  
亥至于西王母之邦吉日甲子天子賓于西王母乃  
執白圭玄璧以見西王母好獻錦組百純 組三百  
純西王母再拜受之 乙丑天子觴西王母于瑤池  
之上西王母爲天子謠曰白雲在天山際自出道里  
悠遠山川間之將子無死尚能復來天子答之曰子  
歸東土和治諸夏萬民平均吾顧見汝比及三年將  
復而野天子遂驅升于弇山乃紀丌跡于弇山之右  
而樹之槐眉曰西王母之山西王母之山還歸丌  
世民作憂以吟曰比徂西土爰居其野虎豹爲羣於  
鵲與處嘉命不遷我惟帝天子大命而不可稱顧世  
民之恩流涕竦隕吹笙鼓簧中心翔翔世民之子唯  
天之望丁未天子飲于温山 考鳥己酉天子飲于  
潯水之上乃發憲令詔六師之人 其羽爰有八  
水澤爰有陵衍平陸碩鳥物羽六師之人畢在于

原曰天子三月舍于曠原 天子大饗正公諸侯  
勒七萃之士于羽琤之上乃奏廣樂 六師之人翔  
畋于曠原得獲無疆鳥獸絕群六師之人大畋九日  
乃駐于羽之 收皮效物債車受載天子於是載羽  
百車己亥天子東歸六師 起庚子至于 之山而  
休以待六師之人庚辰天子東征癸未至于戊 之  
山智氏之所處 智 往天子于戊 之山勞用白  
驂二疋野馬野牛四十守犬七十乃獻食馬四百牛  
羊三千曰智氏 天子北遊于緡子之澤智氏之夫  
獻酒百 于天子天子賜之狗瓏采黃金之罌二九  
貝帶四十珠丹三百裹桂薑百 乃膜拜而受乙酉  
天子南征東還己丑至于獻水乃遂東征飲而行乃  
遂東南己亥至于瓜纒之山三周若城闕氏胡氏之  
所保天子乃遂東征南絕沙衍辛丑天子渴于沙衍  
求飲未至七萃之士高奔戎刺其左驂之頸取其青  
血以獻天子天子美之乃賜奔戎佩玉一隻奔戎再  
拜前首天子乃遂南征甲辰至于積山之邊爰有夢  
栢曰哥余之人命懷獻酒于天子天子賜之黃金之  
罌貝帶朱丹七十裹命懷乃膜拜而受乙巳 諸  
獻酒于天子天子賜之黃金之罌貝帶朱丹七十

諸飭乃膜拜而受之。庚辰至于滔水濁繇氏之所。辛巳天子東征癸未至于蘇谷骨飭氏之所衣被乃遂南征東還丙戌至于長泚重緄氏之西疆丁亥天子升于長泚乃遂東征庚寅至于重緄氏黑水之阿爰有野麥爰有答董西膜之所謂木禾重緄氏之所食爰有采石之山重緄氏之所守曰枝斯璿瑰瓊瑤琅玕玲瓏无瓊玕琪徽尾凡好石之器於是出孟秋癸巳天子命重緄氏共食天子之屬五日丁酉天子升于采石之山於是取采石焉天子使重緄之民鑄以成器于黑水之上器服物佩好無疆曰天子月休秋癸亥天子觴重緄之人解蟹乃賜之黃金之罌二九銀鳥一隻貝帶五十珠七百裏筒箭桂薑百崗絲纒雕官解蟹乃膜拜而受乙丑天子東征解蟹送天子至于長沙之山 隻天子使伯天受之栢天曰重緄氏之先三苗氏之 處以黃水蠶銀采 乃膜拜而受丙寅天子東征南還己巳至于文山西膜之所謂 觴天子于文山西膜之人乃獻食馬三百牛羊二千糶米千車天子使畢矩受之曰 天子三日遊于文山於是取采石壬寅天子飲于文山之下文山之人歸遺乃獻良馬十駟用牛三百守狗九十

牛二百以行流沙天子之豪馬豪牛老狗豪羊以三十祭文山又賜之黃金之罌二九貝帶三十朱三百裏桂薑百崗歸遺乃膜拜而受癸酉天子命駕八駿之乘右服黼騶而左綠耳右驂赤鼉而左白儀天子主車造父爲御啗啗爲右次車之乘右服渠黃而左踰輪右盜驪而左山子栢天主車參百爲御奔戎爲右天子乃遂東南翔行馳驅千里至于巨蒐之人獠奴乃獻白鵠之血以飲天子因具牛羊之漣以洗天子之足及二乘之人甲戌巨蒐之獠奴觴天子于焚留之山乃獻馬三百牛羊五千秋麥千車膜稷三十車天子使栢夭受之好獻枝斯之石四十俚韶粵絕秘佩百隻琅玕四十饒馘十篋天子使造父受之乃賜之銀木繩采黃金之罌二九貝帶四十朱三百裏桂薑百崗獠奴乃膜拜而受乙亥天子南征陽紆之東尾乃遂絕慈膏之谷巳至于纒瑯河之水北阿爰有爨漉之 河伯之孫事皇天子之山有模董其葉是食明后天子嘉之賜以佩玉一隻栢夭再拜稽首癸丑天子東征栢夭送天子至于鄘人鄘伯絮觴天子于澡澤之上斲多之汭河水之所南還曰天子五日休于澡澤之上以待六師之人戊午天子東征



顧命栢夭歸于丌邦天子曰河宗正也栢夭再拜  
首天子南還升于長松之澄孟冬壬戌至于雷首犬  
戎胡觴天子于雷首之阿乃獻食馬四六天子使孔  
牙受之曰雷水之平寒寡人具犬馬牛羊爰有黑牛  
白角爰有黑羊白血癸亥天子南征升于髭之澄丙  
寅天子至于鉞山之隊東升于三道之澄乃宿于二  
邊命毛班逢固先至于周以待天之命癸酉天子命  
駕八駿之乘赤驥之駟造父爲御南征翔行逕絕  
翟道升于太行南濟于河馳驅千里遂入于宗周官  
人進白鵠之血以飲天子以洗天子之足造父乃具  
羊之血以飲四馬之乘一庚辰天子大朝于宗周之  
廟乃里西土之數曰自宗周灑水以西至于河宗之  
邦陽紆之山三千有四百里自陽紆西至于西夏氏  
二千又五百里自西夏至于珠余氏及河首千又五  
百里自河首襄山以西南至于春山珠澤昆侖之丘  
七百里自春山以西至于赤烏氏春山三百里東北  
還至于羣玉之山截春山以北自羣王之山以西至  
于西王母之邦三千里自西王母之邦北至于曠  
原之野飛鳥之所解其羽千有九百里宗周至于  
西北大曠原萬四千里乃還東南復至于陽紆七千

里還歸于周七千里各行兼數三萬有五千里吉  
甲申天子祭于宗周之廟乙酉天子六師之人于  
洛水之上丁亥天子北濟于河 羝之隊以西北升  
于盟門九河之陞乃遂西南仲冬壬辰至鼉山之上  
乃奏廣樂三日而終吉日丁酉天子入于南鄭寶處  
曰天子四日休于濩澤於是射鳥獵獸丁丑天子  
雨乃至祭父自圃鄭來謁留昆歸玉百枚陵翟致賂  
良馬百駟歸畢之寶以詰其成陵子高胡 東牡見  
許男于洧上祭父以天子命辭曰去茲羔用玉帛見  
許男不敢辭還取束帛加璧 毛公舉幣玉是日也  
天子飲許男于洧上天子曰朕非許邦而恤百姓  
也谷氏宴飲毋有禮許男不敢辭升坐于出尊乃用  
宴樂天子賜許男駿馬十六許男降拜空首乃升  
平坐及暮天子遣許男歸癸亥天子乘鳥舟龍卒浮  
于大沼夏庚午天子飲于洧上乃遣祭父如圃鄭用  
諸侯辛未天子北還釣于漸澤食魚于桑野丁丑  
天子里圃田之路東至于房西至于 丘南至于桑  
野北盡經林煮 之藪南北五十 十虞東虞曰兔  
臺西虞曰櫟丘南虞曰富丘 北虞曰相其御虞曰  
來十虞所 辰天子次于軍丘以畋于藪 甲寅

天子作居范宮以觀桑者乃飲于桑中天子命桑出  
桑者用禁暴人仲夏甲申天子 所庚寅天子

西遊乃宿于祭壬寅祭公飲天子酒乃歌闕天之詩  
天子命歌南山有犛乃紹宴樂丁酉天子作臺以爲  
西居壬寅天子東至于雀梁甲辰浮于滎水乃奏廣  
樂季夏庚 休于范宮仲秋丁巳天子射鹿于林中  
乃飲于孟氏爰舞白鶴二八還宿于雀梁季秋辛巳  
天子司戎于 來虞人次御孟冬鳥至王臣 弋仲  
冬丁酉天子射獸休于深藿得麋麕豕鹿四百有二  
十得二虎九狼乃祭于先王命庖人熟之戊戌天子

西遊射于中 方落草木鮮命虞人掠林除藪以爲

百姓材是日也天子北入于剡與井公博三日而決  
辛丑塞至于臺乃大暑除天子居于臺以聽天下之  
遠方 之數而衆從之是以選扞乃載之神人之  
能數也乃左右望之天子樂之命爲 而時 焉

其名曰 公去乘人 猶 有虎在乎葭中天子將

至七萃之士高奔戎請生捕虎必全之乃生捕虎而  
獻之天子命之爲柙而畜之東虞是爲虎牢天子賜  
奔戎畋馬十駟歸之太牢奔戎再拜誦首丙辰天子  
北遊于林中乃大受命而歸仲秋甲戌天子東遊次

于雀梁 蠹書于羽林季秋 乃宿于昉畢人告我  
曰陵翟來侵天子使孟念如畢討戎霍侯舊告堯天  
子臨于軍丘狩于藪季冬甲戌天子東遊飲于留祈  
射于麗虎讀書于勑丘 獻酒于天子乃奏廣樂天  
子遺其靈鼓乃化爲黃蛇是日天子鼓道其下而鳴  
乃樹之桐以爲鼓則神且鳴則利于戎以爲琴則利  
于黃澤東遊于黃澤宿于曲洛廢 使宮樂謠曰  
黃之池其馬斂沙皇人威儀黃之澤其馬斂玉皇人  
受穀丙辰天子南遊于黃 室之丘以觀夏后啓之  
所居乃 于啓室天子筮獵莘澤其卦遇訟逢公占  
之曰訟之繇藪澤蒼蒼其中 宜其正公戎事則從  
祭祀則熹田獵則獲 飲逢公酒賜之駿馬十六絺  
紵三十篋逢公再拜稽首賜筮史狐 有陰雨夢神  
有事是謂重陰天子乃休日中大寒北風雨雪有凍  
人天子作詩三章以哀民曰我徂黃竹 員閔寒帝  
收九行嗟我公侯百辟冢卿皇我萬民旦夕勿忘我  
徂黃竹 員閔寒帝收九行嗟我公侯百辟冢卿皇  
我萬民旦夕勿窮有皎者駱翩翩其飛嗟我公侯  
勿則遷居樂甚寡不如遷土禮樂其民天子曰余一  
人則淫不皇萬民 登乃宿于黃竹天子夢羿射于

塗山祭公占之䟽之乃宿于曲山壬申天子西  
升于曲山天子西征升九阿南宿于丹黃戊寅天  
子西升于陽過于靈井公博乃駕鹿以遊于山  
上爲之石主而寘軫乃次于涇水之陽吉日丁亥  
天子入于南鄭之虛皇帝之閭乃先王九觀以詔  
後世己巳天子征舍于菹臺辛未紐菹之獸於是  
白鹿一牯彘逸出走天子乘渠黃之乘焉天子丘  
之是曰五鹿官人之是丘其皮是曰皮其脯  
是曰脯天子飲于潔水之上官人膳鹿獻之天子  
天子美之是曰甘癸酉天子南祭白鹿于潔乃西  
飲于草中大奏廣樂是曰樂人甲戌天子西北姬  
姓也盛栢之子也天子賜之上姬之長是曰盛門天  
子乃爲之臺是曰重璧之臺戊寅天子東徂于澤中  
逢寒疾天子舍于澤中盛姬告病天子憐之澤曰  
寒氏盛姬求飲天子命人取漿而給是曰壺鞞天子  
西至于重璧之臺盛姬告病天子哀之是曰哀次  
天子乃殯盛姬于轂丘之廟壬寅天子命哭啓爲主  
祭父賓喪天子王女叔姪爲主天子賓之命終哀  
禮於是殤祀而哭內史執策官人丌職曾祝敷筵  
席設几盛饋具肺鹽羹臠脯棗醢醢魚腊糗韭百物

乃陳腥俎十二乾豆九十鼎敦壺尊四十器曾祝  
食進肺鹽祭酒乃獻喪主伊扈伊扈拜受 祭女又  
獻女主叔姪叔姪拜受祭 祝報祭觴大師乃哭卽  
位畢哭內史 策而哭曾祝捧饋而哭御者 祈而  
哭抗者觴夕而哭佐者承斗而哭佐者衣裳佩 而  
哭樂 人陳琴瑟 竽簫箜篌而哭百 衆官人各  
其職事以哭曰士女錯踊九 乃終喪主伊扈哭  
出造舍父兄宗姓及在位者從之佐者哭且撤饋及  
壺鼎俎豆衆官人各 其職皆哭而出井利 事後  
出而收癸卯大哭殤祀而載甲辰天子南葬盛姬於  
樂池之南天子乃命盛姬 之喪視皇后之葬法亦  
不邦後于諸侯河濟之間共事韋穀黃城三邦之士  
輦絜七萃之士抗者卽車曾祝先喪大匠御棺日月  
之旗七星之文鼓鐘以葬龍旗以 鳥以建鼓獸以  
建鐘龍以建旗曰絜之先後及哭踊者之間畢有鐘  
旗 百物絜器井利典之列于絜行靡有不備擊鼓  
以行絜舉旗以勸之擊鐘以止哭彌旗以節之曰  
祀大哭九而終絜出于門絜主卽位周室父兄子孫  
倍之諸侯屬子王吏倍之外官王屬七萃之士倍之  
姬姓子弟倍之執職之人倍之百官衆人倍之哭者

七倍之踊者三十行行萃百人女主卽位嬖人羣女  
倍之王臣姬姓之女倍之宮官人倍之宮賢庶妾倍  
之哭者五倍踊者次從曰天子命喪一里而擊鐘止  
哭曰匠人哭于車上曾祝哭于壘前七萃之士哭于  
喪所曰小哭錯踊三踊而行五里而次曰喪三舍至  
于哀次五舍至于重璧之臺乃休天子乃周姑繇之  
水以闋喪車是曰圜車曰殤祀之孟冬辛亥邢侯曹  
侯來弔內史將之以見天子天子告不豫而辭焉邢  
侯曹侯來弔太子太子哭出廟門以迎邢侯再拜勞  
之侯不答拜邢侯謁哭于廟太子先哭而入西向卽  
位內史賓侯北向而立大哭九邢侯厝踊三而止大  
子送邢侯至廟門之外邢侯遂出太子再拜送之曹  
侯廟弔入哭太子送之亦如邢侯之禮壬子天子具  
官見邢侯曹侯天子還返邢侯曹侯執見拜天子之  
武一天子見之乃遣邢侯曹侯歸于其邦王官執禮  
共于二侯如故曰天子出憲以或禘賙癸丑大哭而  
甲寅殤祀大哭而行喪五舍于大次曰喪三日于  
大次殤祀如初辛酉大成百物皆備壬戌葬史錄繇  
鼓鐘以赤下棺七萃之士士女錯踊九壘下昧  
爽天子使嬖人贈用文錦明衣九領壘宗伊扈贈用

變裳女主叔姪贈用茵組百嬖人官師畢贈并利乃  
藏報哭于大次祥祠 祀禬罷哭辭于遠人爲盛姬

諡曰哀淑人天子丘人是曰淑人之丘乙丑天子東  
征舍于五鹿叔姪思哭是曰女姪之丘丁卯天子東  
征釣于漯水以祭淑人是曰祭丘己巳天子東征食  
馬于漯水之上乃鼓之棘是曰馬主癸酉天子南征  
至于菹臺仲冬甲戌天子西征至于因氏天子乃釣  
于河以觀姑繇之木丁丑天子北征戊寅舍于河上  
乃致父兄子弟王臣姬 祥祀畢哭終禬于囂氏已

卯天子西濟于河囂氏之遂庚辰舍于茅尺於是禋  
祀除禬始樂素服而歸是曰素氏天子遂西南癸未  
至于野王甲申天子北升于大北之陞而降休于兩  
栢之下天子未念傷心乃思淑人盛姬於是流涕七  
萃之士萋豫上諫于天子曰自古有死有生豈獨淑  
人天子不樂出于未思未思有益莫忘其新天子哀  
之乃又流涕是日輟己未乙酉天子西絕鉞陞乃遂  
西南戊子至于監己丑天子南登于薄山寘軫之陞  
乃宿于虞庚申天子南征吉日辛卯天子入于南鄭

注略云焉居禹知之平鄴人疑皆國名鄴音巨冑切  
栢爵絮名古伯字多以木井利穆王嬖臣陽紆音陽  
嘔無夷馮夷也山海經云冰夷河宗主河者因以爲  
氏栢天字鄒父祭公謀父梁固梁門大夫忽一名奕



亦謂太圭音忽曾重也傳曰曾臣偃春山海經音賜語晦者月終為晦言賜女受終福天子之瑤至皆致河典河圖辭也郊父正公名○膜畫人名焉古字居慮人名丌赤烏人名戲曹奴人名逢固周大夫長肱國在赤海東潛時人名温歸剖閭氏人名無鳧鷄韓氏人名○王母吟於鵲讀曰烏鵲高奔戎七萃士名夢栢疑猶鄒伯命懷島余人名諸飭亦人名音捷○濁絲氏骨野氏重繩氏疑皆外國解蠶重繩人名並未注玲瓏无瓊皆玉名玲瓏音鈴質黃水一作黃木畢矩王臣名歸遺文山人名齋疑驎字麓古驥字俄古義字箇箇音秦丙參伯並御人名猶奴巨蒐人名繫波疑是渠搜國明后君也孔牙人名毛班即後毛伯○留比陵翟畢並國名陵翟隗姓焉胡人名咎氏猶舅氏○天疑詩頌吳天南山有犍疑小雅南山有臺祭公以此規諫而王畜之也井公邴人名孟愈周臣名霍侯名舊黃澤謠黃之池一作黃之陀逢公史狐並十人黃竹詩第三章自侯以下似當云百辟豕卿皇我萬民勿刻選○盛栢姬姓國叔姓叔姓穆王女音癰痊伊扈人名因氏國名夢豫士名鹽音古河東鹽池

壇山石刻

贊皇縣壇山上周穆王刻石四字筆力適勁有劔拔弩張之狀至宋慶曆

中宋尚書祁在鎮陽嘗摹此字見歐陽公集古錄而趙明誠金石錄謂穆王時所用皆古文科斗書此字反類小篆疑其非真我朝宋學士濂摹刻浦陽山房自為跋謂與周淮父自伯碩父鼎齊侯鐘諸款識合又謂字形多類石鼓詳金薤琳瑯

吉日癸巳

姜后卜兆辭

汲冢師春周穆王姜后孕越姬嬖竊而有之斃以玄鳥二七塗以堯

血王發書而卜之兆于是王問諸史豹曰蟲飛集戶是日失所惟彼小人弗克以育君子史良曰是謂關親將留其身歸于母氏而後獲寧冊而藏之厥休將振居三月越姬死七日而復言其情曰爾夷糝也胡竊君之子不歸將寘而大戮及王子干治

蜉蝣之羽飛集于戶鴻之戾止弟弗克理重靈降

尚復其所

宣王

名靖穆王子在位四十六年為周中興之主

石鼓文

古文苑周宣王狩于岐陽所刻石鼓文十篇馮惟訥詩紀云古文苑所載石鼓文

文稱孫巨源得於佛書龕中蓋唐人錄僅四百九十七言耳章樵為之考正集釋又薛尚功鄭樵潘迪諸家咸有音訓然于闕文靡所增益楊慎用脩自言受學李文正公得蘇文忠舊本蓋六百五十七言訓釋簡要楊子易以今文傳之矣陝西志與楊本同而字畫訓釋頗異今以二本參較著之古文苑舊註有可采者間取附入註中姓氏薛鄭章潘已見前施謂宿王王厚之蘇疑卽文忠也鼎按歐陽文忠集古錄於此有三疑大略謂自宣王至宋千有九百餘年理難得存鄭漁仲謂是秦篆因其以殿為也見於秦斤以丞為丞見于秦權其文有曰嗣王有曰天子天子可為帝亦可謂王秦自惠文稱王始皇稱帝

以為惠文之後始皇之前所作也溫彥威傳三京以為後周文帝獵于岐陽所作蓋因中大統十一年西狩岐陽之語而云也宋王厚之及國初趙古則皆力辨其非斷以為宣王之時史籀之書詳見古文苑金薤琳瑯然皆謂詩耳楊用脩風雅逸篇云石鼓詩周宣王獵碣也於詩體屬小雅或以為成王時詩以左傳成有岐陽之蒐證之亦一說也馮氏亦載詩紀鼎以文苑載首秦詛楚諸文不列于詩而金薤原止錄文此篇仍載今姑存之鼓在北京國子監廟門下字多漫滅不可搨

音釋

避本音吾我車既上讀作攻避馬既同避車既攷古文

避馬既駐音阜與駟同馬肥貌一從在籀君子鼎

通文貞獵獵讀作鼎旂通作游楊云當讀作君子

鹿速速君子出之求綖綖古文關肉音弓石本

弓弦呂以寺本寺字讀作避毆驅其時音其來

趨趨音亦揚曰趨趨音憲夔夔音大來反今作夙音即趨音

與避小異即時鹿鹿趨趨音其來大塗音茨大避毆其樣

朴同揚曰其來趨趨音獨攷射古文其狷音堅獸三歲蜀

讀作僕其來趨趨音獨攷射古文其狷音堅獸三歲蜀

右一薛作辛文鄭作丙文文六十六

汧汧音牽毆王曰古也字見詛沔沔音泛泛當作

乏今從丞與丞同詩南有嘉魚丞辰籀文皮溥古文

溥今從丞與丞同詩南有嘉魚丞辰籀文皮溥古文

漫作又通作有夙古漁字其旂游趨趨音散叶帛讀作

同夙魚驟驟音洛其籓蘊與氏古作底鮮黃帛其鱣

編古文又夙鮒今作又鯢即白字○志云其胡乞及孔熒

庶繇出夔夔音決獸似狴狴下當从沔沔音沔籀文趨

趨音其夙佳讀作惟古文可讀作何亦古佳夙似呂

佳鯉可呂夙普刀反隸作夙柳古文

右二薛作戊文鄭作甲文文六十一

多假借世既逾遠不能盡知故義亦有

田車孔章作安鑿音條轡音勒駢駢駢與駢同六

田車孔章作安鑿音條轡音勒駢駢駢與駢同六

古文既簡左驂旛旛旛妨圓反旌旗總名右驂旛旛取其輕舉貌

反壯避吕陵古作躋于遠古原避戎止石本阨古文官

車其寫寫舍也讀如卸史記秦秀弓秀通作繡繡弓也穀梁傳

質弓繡寺弋射時麋豕孔麇麇鹿雉兔其遠有牂旛或

音其戎齽齽音奔又作走音奏鄭本有齽大車出各

洛亞古文獸楊作亞獸白奧古文澤白澤獸名避執而勿弋叶音

多虞趨趨音力叶音約君子道音乃楊樂音洛

右三薛作丙文鄭作丁文文六十九

帥帥晨鑿車攀音忽疾也下款音速真讀作填如秀弓

孔碩叶式畧反彤矢奕奕古鏃四馬其寫六轡沃若

徒馵馵从馬从便舊本云孔戾廓廓騎實籀文博古

苑作廓崗鄭云卽崗字通作車飀古文術古文如徒

如章遠溼古文濕陰陽趨趨音池調和閑習之貌鄭

六馬弋射出矦矦也叶音櫛又有軀音樞如虎獸鹿

如冢兕台讀作怡古省文邇多賢迎音禽叢奉雉避兔允異

右四薛作丁文鄭作戊文文六十九

避來自東古文苑有雷古零雨奔櫛古文逆湧盈盈

溇與溇同音屑溼古文君子既步古文避馬櫛汗汗

無重文苑毆也洎同淒二字古文苑丞丞士駘古文言

鹵古文遙籀文方舟自廓廓徒馵楊作連連音

佳維月呂術道或陰或陽極即笈字志云音楫淡呂戶

出亏水一方悉徒遑楊作止其奔避古文苑作其且

且讀作阻其直乃叟古文右五薛作王文鄭作辛文文六十六

實猷乍古文作遼乍周衛導追古我我鞫籀文攸

除帥爰阪田莽舊音莽或作為垂里世从三十為世

謂之二合字也蘇合切非世字也希微猷猷音直乃

罔古文罔黍黍木汁也可以梟籀文柞音昨械音

也白拔音櫟音櫟音關音關音鳴槩條山亞音其音可何為所旂音或

水蓋音利衛音叡音纛音音音

右六薛作庚文鄭作乙文文五十二

徒避嘽嘽音然然而師旅章云旅字之真填歛

會同又有繹呂左施云左字下有戎律音

具隻即奪井古文芋音其徒音

來或羣或友友悉率左右燕樂洛天子來嗣王始獲

獲振音獲音獲音

讀作障蘇弓矢孔戾滔滔是戴熾弋夫寫矢古文苑

行遠見蘇蘇

讀作障蘇

讀作障蘇

讀作障蘇

讀作障蘇

右七薛作甲文 鄭作王文 文五十九

走躡躡未詳音義 鄭音劑馬麋即鹿字音標或哲哲

夸華雉毘音綽似兔 青色而大太舊音多戾微我師氏憲憲文

武可如其一出

右八薛作己文 鄭作庚文 文二十三

施云此鼓最磨 滅不復成文

避水既漈漈與淨同避衛導與道既兮避行既止嘉釗剽里

天子未宓古文日佳惟丙昌申旭旭杲杲避其雱籀

旁爾雅二 達曰旁衛叶上聲乘乘馬既迎音殺 未詳音義夏

夏康瘳瘳康駘駕駘晨四黃左驂駮駮音右 駮駮駮駮音速駮駮

戟榮呂奔奕女讀作汝不執惠惠旛翰籀文翰平聲鳥

於旗首故霧霧音勦 勦古颯字音標蓋旂旌旗之旒旒未垂者旒旒

音宜旗公謂大來余及如兹邑周即害字讀不余及

右九薛作乙文 鄭作癸文 文七十四

施云上下磨 滅不成文

吳古作虞人恣古文恣與朝夕慙警惕飶載鹵飶

北勿窳通作掩勿伐嚳若石本作而出奇奇進獻古

獻用特遶格甄藝祖告于大祝禘嘗受尊亨致

其方甄與藝同寓逢中鬪籀文孔戾麇鹿遽溼既坦

疆理黼黼音蕃大田不揆音蒐即君子可何求又有

謀又始周爰止于是

右十薛作癸文 鄭作己文 文七十一重文一共七十三字 一十八句

今文

我車既攻我馬既同我車既好我馬既驛君子爰獵  
爰獵爰遊麇鹿速速君子之求彎彎肉弓弓茲以時  
我驅其時其來趨趨趨趨矣矣卽御卽時麇鹿趨趨  
其來大塗我驅其僕其來趨趨射其豚屬楊石鼓文序云君子  
爰獵爰獵爰游潘迪所釋牽合紕繆古人書字文同者但作二點更不復書迪既誤讀爲君子員員  
員旂遂復臆釋云員員衆多貌遠遠  
旌旗遙動貌所謂郢書燕說者也

右一

汧絜泛泛丞彼潮淵鯁鯉處之君子漁之漫漫有鯈  
其游趨趨白魚鱧鱧其殖底鮮黃白其鱗有鮒有白  
其胡孔庶鬻之鬻鬻洋洋趨趨其魚惟何惟鱣惟鯉  
何以橐之惟楊及柳

右二

田車孔安鑿勒駢駢六師既簡左驂翻翻右驂驥驥  
我以濟于原我戎止陸宮車其寫秀弓時射麋豕孔  
庶麇鹿雉兔其原有迪其戎奔奔大車出洛亞獸白  
澤我執而勿射多庶趨趨君子乃樂

右三

帥彼鑿車忽速填如秀弓孔碩彤矢笑笑四馬其寫  
六轡沃若徒駢孔庶廓騎宣博酋車載道如徒如章  
原隰陰陽趨趨六馬射之簇簇有驅如虎獸鹿如兕  
怡爾多賢迪禽奉雉我兔允異

右四

我來自東霈雨奔流逆湧盈盈濼濼君子旣涉我馬  
流汧汧繫洎淒丞士駕言西歸舫舟自廓徒駢連連  
惟舟以道或陰或陽極深以戶出于水一方丞徒徨  
止其奔我以阻其乃事

右五

宣猷作原作周導遄我辭攸除帥彼阪田莽爲世里  
希微猷猷乃罟漆栗柞械其拔櫬榕庸庸鳴條亞箬  
其華何爲所旂斲斲水執執樹幽晤

右六

徒我嘽嘽然而師旅填然會同又繹以左戎障弓矢  
孔庶滔滔是熾射夫寫矢具奪舉擘其徒肝來或群  
或友悉率左右燕樂天子來嗣王始振振復古我來  
攸止

右七

彼走騏驎馬庶哲哲華華雉毘位多庶微我師氏憲



憲文武可其一之

右八

我水既淨我道既平我行既止嘉樹則里天子永寧  
日惟丙申旭旭杲杲我其旁導乘馬既迎赦夏康康  
駕彼四黃左驂馱馱右驂馱馱戢戟以奕汝不執德  
旛翰黎黎旒旒施施公謂大來余及如茲邑曷不余  
及

右九

吳人憐亟朝夕傲惕載西載北勿奄勿伐若而出奇  
進獻用特歸格藝祖告于大祝禘嘗受享致其方藝  
寓逢中囿孔庶麇鹿原隰既坦疆理蕃蕃大田不蒐  
君子何求有謀有始周爰止于是

右十

襄王

諱鄭惠王于立三十三年

策命晉文公

晉獻楚俘于王王享禮命晉侯宥策命晉侯為侯伯三辭從命曰重耳敢再拜稽首奉揚天子之不顯休命王于虎盟諸侯于王庭

王謂叔父敬服王命以綏四國糾逖王慝

左傳云天子

使王子虎命晉侯為伯作晉文侯命王若曰父義和  
不顯文武能慎明德昭登於上布聞在下維時上帝  
集厥命于文武恤朕身繼予一人永其在位○索隱  
云尚書文侯之命是平王命晉文侯仇此乃襄王命

文公重耳之事代  
數懸隔頗有疎謬

### 王子虎盟諸侯

皆獎王室無相害也有渝此盟明神極之俾隊其師  
無克祚國及其玄孫無有老幼

靈王

名泄心簡王子  
立二十七年

賜齊侯命

王使劉定公賜齊靈  
公命將婿於齊也

昔伯舅太公右我先王股肱周室師保萬民世胙大  
師以表東海王室之不壞繫伯舅是賴今余命女環  
茲率舅氏之典纂乃祖考無忝乃舊敬之哉無廢朕  
命靈公名環  
定公名夏

景王

名貴靈王子  
立二十五年

追命衛襄公

襄公卒告喪于周且請命王使  
成簡公如衛弔且追命襄公

叔父陟恪在我先王之左右以佐事上帝余敢忘高

圉亞圉

左傳○二圉周之先也為  
殷諸侯亦受殷王追命